

# 佛頂尊勝陀羅尼經

佛陀教育基金會 印贈

## 佛尼牟迦釋師本無南




如來功德  
不思議  
衆生見者  
煩惱滅


### 大輪金剛陀羅尼

南無<sup>命歸</sup>司得里牙<sup>提維</sup>優難<sup>世</sup>打他噶打難<sup>如來</sup>菴<sup>子</sup>維  
喇及維喇及<sup>無垢</sup>嘛哈佳割喇<sup>大</sup>乏及里<sup>金剛</sup>灑打灑打<sup>勇猛</sup>  
灑喇得灑喇得<sup>極堅</sup>得喇夷得喇夷<sup>大</sup>維達嘛你<sup>智慧</sup>三  
槃夏你<sup>正破</sup>得喇嘛底<sup>三</sup>細達<sup>成</sup>嚩里牙<sup>上</sup>得<sup>灌</sup>司乏哈<sup>滿</sup>

大輪金剛陀羅尼經云：誦此咒廿一過能成一切咒法，善事速得成就。能成一切印法，一切壇法，當入曼荼羅壇不用事壇。陀羅尼集經云：誦此咒三七過即當入一切曼荼羅所作皆成。誦咒有身印等種種印法，若作手印，誦咒法易得成就。若未嘗入灌頂壇者，不得輒作一切手印。若人誦此咒即同入壇，作印行用不成，盜法也。大藏必要云：依教中說一切真言手印，必從師受。若未入灌頂輪，輒結手印作法，得盜法罪，所作不成。若於如來像前誦此咒廿一過，即如見佛，即同入一切曼荼羅，所求諸法皆得成就。



咒尼羅陀勝尊頂佛喜梵



本尊身面白色三面中白  
右黃左藍八臂右上手持  
十字杵當胸餘右手無量  
光佛箭布施印左上手期  
克印當胸持索餘左手無  
畏印弓盈滿甘露之寶瓶  
黑髮半髻半旒五佛寶冠  
身披窠衣跏趺坐光蘊中

佛頂尊勝陀羅尼經云若人書寫此陀羅尼安高幢上或安高山或安樓上乃至安置窳堵波中若有善男女等於幢等上或見或與相近其影映身或風吹陀羅尼山幢等上塵落在身上彼諸衆生所有罪業應墮惡道地獄畜生閻羅王界餓鬼阿修羅身惡道之苦皆悉不受亦不爲罪垢染汚此等衆生爲一切諸佛之所授記皆得不退轉於阿耨多羅三藐三菩提何况更以多諸供具華鬘塗香末香幢幡蓋等作諸莊嚴於四衢道窳堵波安置陀羅尼合掌恭敬旋繞行道歸依禮拜彼人能如是供養者名摩訶薩埵真是佛子持法棟樑又是如來全身舍利窳堵波塔我國歷代石刻尊勝經幢梵文者極少此陀羅尼功德不可思議要須梵文乃有殊勝威力茲依古德寫本敬書之願大衆皆得瞻禮供養以蒙解脫也

程宅安和南謹識

# 古德頌曰 波利尊者禮五臺 却被文殊化現言 東土若無尊勝咒 衆生難以脫塵埃



三頭八臂白色長壽佛

## 三頭八臂白色長壽佛咒功德

尊勝佛母三頭八臂白色長壽佛咒功德  
嘯布樂木梳哈嘯啞美哩打啞育打爹梳哈。

至誠常持此咒能增長壽命及福慧消除無始以來一切罪業不墮惡道一切衆生凡見聞此咒音者十萬劫以來所作罪業均可消滅日持一〇八遍定可長壽命終往生極樂。

### 三頭八臂白色長壽佛咒功德

此咒乃昔時天上有名羅治旦巴太子者夜夢一聲音告之曰爾不出七日必死死後轉生豬狗狐毒蛇黑鴟烏鴉等禽獸七世還須受地獄之苦等語太子驚醒到玉皇面前說知夜夢之事並問有無解救之法玉皇曰我無治法我可到佛前請問之玉皇到釋迦牟尼佛之前先頂禮供養圍繞七週畢而白佛言羅治旦巴太子夢一聲音告其七日內必死死後轉生豬狗狐毒蛇黑鴟烏鴉等物還須受地獄之苦不知是何因緣必須如此求佛慈悲賜一救度之法佛告玉皇不用憂懼我有救免之法如是佛於首頂現出金光照遍大千世界光回佛口即講演此咒屬告太子如法修持羅治旦巴太子照法修持七日果有靈驗不但七日未死未轉生禽獸墮落地獄之苦且反得長年之壽此咒之功德不但一人得受利益并且一切衆生均沾利益凡人如能讀誦此咒不但生前長壽死後亦不墮惡道不作閻羅之役并能超昇善地累修至佛。

一切衆生如得聽聞此咒自十萬劫以來所作罪孽均可消滅。

如不能受持讀誦只能供養書寫或佩帶者亦有莫大利益。

如將此藏文咒懸掛屋頂或山上以風吹之力人得見聞亦有莫大之利益。

如將此原藏文咒裝於佛臟或塔臟內其佛塔均有無量無邊之感應其功德妙用皆不可思議。

於人初死時持誦此咒二十一遍口吹芥子上將芥子撒於屍體上死去之人以此呪力可免除一切罪孽或將此原藏文咒貼於棺內亦有同等效力。

如見人畜將就死地時，亦可與讀誦此咒，彼借呪力，能早得超昇。以佛之願力，或能免去諸惡道之苦。如每日能持誦二十一遍，定得長壽，命終往生極樂，諸佛歡迎。

此咒乃係密宗之真言。今蒙<sup>梵</sup>呼圖克圖，以救濟衆生長壽，免苦之願力，而傳授。務希善男信女慎重之。

佛頂尊勝陀羅尼經序

唐定覺寺沙門志靜述

佛頂尊勝陀羅尼經者，婆羅門僧佛陀波利，儀鳳元年，從西國來至此漢土，到五臺山次，遂五體投地，向山頂禮曰：如來滅後，衆聖潛靈，唯有大士文殊師利，於此山中，汲引蒼生，教誨菩薩，波利所恨，生逢八難，不覩聖容，遠涉流沙，故來敬謁，伏乞大慈大悲，普覆令見尊儀，言已，悲泣雨淚，向山頂禮，禮已，舉首忽見一老人，從山中出來，遂作婆羅門語，謂僧曰：法師情存慕道，追訪聖蹤，不憚劬勞，遠尋遺跡，然漢地衆生，多造罪業，出家之輩，亦多犯戒律，唯有佛頂尊勝陀羅尼經，能滅衆生一切惡業，未知法師頗將此經來不？僧報言曰：貧道直來禮謁，不將經來，老人言既，不將經來，空

來何益。縱見文殊，亦何得識。師可却向西國取此經，將來流傳漢土，即是遍奉聖衆，廣利羣生，拯濟幽明，報諸佛恩也。師取經來至此，弟子當示師。文殊師利菩薩所在，僧聞此語，不勝喜躍，遂截抑悲淚，至心敬禮，舉頭之頃，忽不見老人，其僧驚愕，倍更虔心，繫念傾城，迴還西國，取佛頂尊勝陀羅尼經。至永淳二年，迴至西京，具以上事，奏聞大帝，大帝遂將其本入內，請日照三藏法師及勅司賓寺典客令杜行顛等，共譯此經，勅施僧絹三十匹，其經本禁在內不出，其僧悲泣奏曰：貧道捐軀委命，遠取經來，情望普濟羣生，救拔苦難，不以財寶爲念，不以名利關懷，請還經本，流行，遮望含靈同益，帝遂留翻得之經，還僧梵本，其僧得梵本，將向西明寺，訪得善

解梵語漢僧順貞，奏共翻譯，帝隨其請，僧遂對諸大德，共順貞翻譯訖，僧將梵本，向五臺山，入山於今不出，今前後所翻兩本，並流行於世，其中小語有不同者，幸勿怪焉。至垂拱三年，定覺寺主僧志靜，因停在神都魏國東寺，親見日照三藏法師，問其逗留，一如上說，志靜遂就三藏法師，諮受神咒，法師於是口宣梵音，經二七日，句句委授，具足梵音，一無差失，仍更取舊翻梵本，勘校所有脫錯，悉皆改定，其咒初注云：最後別翻者是也。其咒句稍異於杜令所翻者，其新咒改定不錯，並注其音訖，後有學者，幸詳此焉。至永昌元年八月，於大救愛寺，見西明寺上座澄法師，問其逗留，亦如前說，其翻經僧順貞，見在住西明寺，此經救拔幽顯，最不可思議，恐學者不知，故具錄委曲，以傳未悟。

### 香讚

爐 香 乍 爇 法 界 蒙 熏

諸 佛 海 會 悉 遙 聞 隨 處 結 祥 雲

誠 意 方 殷 諸 佛 現 全

身 南 無 香 雲 蓋 菩 薩 摩 訶 薩

南 無 香 雲 蓋 菩 薩 摩 訶 薩 南 無

香 雲 蓋 菩 薩 摩 訶 薩

### 淨口業真言

唵 修 唎 修 唎 摩 訶 修 唎 修 唎 娑 婆 訶

淨身業真言

唵。修哆唎。修哆唎。修摩唎。修摩唎。娑婆訶。

淨意業真言

唵。嚩日囉。怛訶賀斛。

安土地真言

南無三滿哆。沒馱喃。唵。度魯度魯。地尾娑婆訶。

普供養真言

唵。誝誝。曩三婆嚩。伐日囉斛。

尊勝佛母讚

如來頂髻。淨拔惡道。千億諸佛共讚言。普利瞻部洲。聖德難量。法滌萬劫障。南無尊勝佛菩薩摩訶薩。南無本師釋迦牟尼佛。

開經偈

無上甚深微妙法。百千萬劫難遭遇。我今見聞得受持。願解如來真實義。

佛頂尊勝陀羅尼經

唐周闍賓國沙門佛陀波利奉詔譯

如是我聞。一時薄伽梵。在室羅筏住誓多林。給孤獨園。與大苾芻眾千二百五十人俱。又與諸大菩薩僧萬二千人俱。爾時三十三天於善法堂會。有一

天子名曰善住。與諸大天遊於園觀。

又與大天受勝尊貴。與諸天女前後圍繞。歡喜遊戲。種種音樂。共相娛樂。

受諸快樂。爾時善住天子即於夜分。聞有聲言。善住天子卻後七日。

命將欲盡。命終之後。生贍部洲。受七返畜生身。即受地獄苦。從地獄出。希得人身。生於貧賤。處於母胎。即無兩目。爾時善住天子聞此聲已。即大驚怖。身毛皆豎。愁憂不

樂。速疾往詣天帝釋所。悲啼號哭。惶怖無計。頂禮帝釋二足尊已。白帝釋言。聽我所說。我與諸天女共相圍繞。受諸快樂。聞有聲言。善住天子卻後七日。命將欲盡。命終之後。生

贍部洲。七返受畜生身。受七身已。即墮諸地獄。從地獄出。希得人身。生貧賤家。而無兩目。天帝云何令我得免斯苦。爾時帝釋聞善住天子語已。甚大驚愕。即自思惟。此善住天

子受何七返惡道之身。爾時帝釋須臾靜住。入定諦觀。即見善住當受七返惡道之身。所謂豬狗野干獼猴蟒蛇烏鷲等身。食諸穢惡不淨之物。爾時帝釋觀見善住天子。當墮七返惡道之

身。極受苦惱。痛割於心。諦思無計。何所歸依。唯有如來應正等覺。令其善住得免斯苦。爾時帝釋即於此日初夜分時。以種種華鬘塗香末香。以妙天衣莊嚴執持。往詣誓多林園。

於世尊所。到已。頂禮佛足。右繞七匝。即於佛前。廣大供養。佛前胡跪。而白佛言。世尊。善住天子云何當受七返畜生惡道之身。具如上說。爾時如來頂上。放種種光。徧滿十方一切



世界已。其光還來繞佛三匝。從佛口入。佛便微笑告帝釋言。天帝。有陀羅尼。名為如來佛頂尊勝。能淨一切惡道。能淨除一切生死苦惱。又能淨除諸地獄閻羅王界畜生之苦。又破一

切地獄。能迴向善道。天帝。此佛頂尊勝陀羅尼。若有人聞。一經於耳。先世所造一切地獄惡業。悉皆消滅。當得清淨之身。隨所生處。憶持不忘。從一佛剎至一佛剎。從一天界至

一天界。徧歷三十三天。所生之處。憶持不忘。天帝。若人命欲將終。須臾憶念此陀羅尼。還得增壽。得身口意淨。身無苦痛隨其福利。隨處安隱。一切如來之所觀視。一切天神恆

常侍衛。為人所敬。惡障消滅。一切菩薩同心覆護。天帝。若人能須臾讀誦此陀羅尼者。此人所有一切地獄畜生閻羅王界餓鬼之苦。破壞消滅。無有遺餘。諸佛剎土。及諸天宮。一切

菩薩所住之門。無有障礙。隨意趣入。爾時帝釋白佛言。世尊。唯願如來為眾生說增益壽命之法。爾時世尊知帝釋意。心之所念。樂聞佛說是陀羅尼法。即說呪曰。

那謨薄伽跋帝。啼隸路迦，鉢囉底，毗失瑟吒哪，勃陀耶。薄伽跋底。怛姪他。唵。毗輸馱耶，娑摩三漫多瞞婆娑。娑破囉拏揭底伽訶那。娑婆瞞輸秫地，阿鼻誑者，蘇揭多伐折那。



阿蜜唎多毗曬雞。阿訶囉阿訶囉。  
阿瑜散陀羅尼。輸馱耶輸馱耶。伽伽  
那毗秫提。烏瑟尼沙毗逝耶秫提。娑  
訶娑囉，喝囉濕弭，珊瑚地帝。薩婆  
怛他揭多，地瑟咤那，頰地瑟恥帝，

慕啞隸。跋折囉迦耶，僧訶多那秫  
提。薩婆伐羅拏毗秫提。鉢羅底你，  
伐怛耶阿瑜秫提。薩末那阿地瑟恥  
帝。末禰末禰。怛闍多部多俱胝鉢唎  
秫提。毗薩普吒勃地秫提。社耶社

耶。毗社耶毗社耶。薩末囉薩末囉，  
勃陀頰地瑟恥多秫提。跋折梨跋折囉  
揭鞞。跋折濫婆伐都。麼麼薩婆薩  
埵，嚩迦耶毗秫提。薩婆揭底鉢唎秫  
提。薩婆怛他揭多，三摩濕婆娑遏地

瑟恥帝，勃陀勃陀，蒲陀耶蒲陀耶，  
三漫多鉢唎秫提。薩婆怛他揭多，地  
瑟咤那，頰地瑟恥帝。娑婆訶。  
佛告帝釋言。此呪名淨除一切惡道佛  
頂尊勝陀羅尼。能除一切罪業等障。

能拔一切穢惡道苦。天帝。此大陀羅  
尼。八十八殞伽沙俱胝百千諸佛。同  
共宣說。隨喜受持。大日如來智印  
之。為破一切眾生穢惡道苦故。為一  
切地獄畜生閻羅王界眾生得解脫故。

臨急苦難。墮生死海中眾生得解脫  
故。短命薄福。無救護眾生。樂造雜  
染惡業眾生得饒益故。又此陀羅尼於  
瞻部洲住持力故。能令地獄惡道眾  
生。種種流轉生死。薄福眾生。不信

善惡業。失正道眾生等。得解脫義。故。佛告天帝。我說此陀羅尼。付囑於汝。汝當授與善住天子。復當受持讀誦思惟。愛樂憶念供養。於瞻部洲一切眾生。廣為宣說此陀羅尼印。亦

為一切諸天子故。說此陀羅尼印。付囑於汝。天帝。汝當善持守護。勿令忘失。天帝。若人須臾得聞此陀羅尼。千劫已來。積造惡業重障。應受種種流轉生死。地獄。餓鬼。畜生。

閻羅王界。阿修羅身。夜叉羅刹。鬼神布單那。羯吒布單那。阿波娑摩羅。蚊虻龜狗蟒蛇一切諸鳥。及諸猛獸。一切蠢動含靈。乃至蟻子之身。更不重受。即得轉生。諸佛如來。一

生補處菩薩。同會處生。或得大姓婆羅門家生。或得大刹利種家生。或得豪貴最勝家生。天帝。此人得如上貴處生者。皆由聞此陀羅尼故。轉所生處。皆得清淨。天帝。乃至得到菩提

道場最勝之處。皆由讚美此陀羅尼功德。如是天帝。此陀羅尼名吉祥。能淨一切惡道。此佛頂尊勝陀羅尼。猶如日藏摩尼之寶。淨無瑕穢。淨等虛空。光焰照徹無不周徧。若諸眾生持

此陀羅尼。亦復如是。亦如閻浮檀金。明淨柔軟令人喜見。不為穢惡之所染著。天帝。若有眾生。持此陀羅尼。亦復如是。乘斯善淨。得生善道。天帝。此陀羅尼所在之處。若能





書寫流通。受持讀誦。聽聞供養。能  
如是者。一切惡道。皆得清淨。一切  
地獄苦惱。悉皆消滅。佛告天帝。若  
人能書寫此陀羅尼。安高幢上。或安  
高山。或安樓上。乃至安置窣堵波

中。天帝。若有苾芻。苾芻尼。優婆  
塞。優婆夷。族姓男。族姓女。於幢  
等上。或見或與相近。其影映身。或  
風吹陀羅尼幢等上。塵落在身上。天  
帝。彼諸眾生。所有罪業。應墮惡道

地獄畜生。閻羅王界。餓鬼界。阿修  
羅身惡道之苦。皆悉不受。亦不為罪  
垢染污。天帝。此等眾生。為一切諸  
佛之所授記。皆得不退轉於阿耨多羅  
三藐三菩提。天帝。何況更以多諸供

具。華鬘塗香。末香。寶幢幡蓋等。  
衣服瓔珞作諸莊嚴。於四衢道造窣堵  
波。安置陀羅尼。合掌恭敬。旋繞行  
道。歸依禮拜。天帝。彼人能如是供  
養者。名摩訶薩埵。真是佛子。持法

棟樑。又是如來全身舍利窣堵波塔。  
爾時閻摩羅法王。於時夜分。來詣佛  
所。到已。以種種天衣妙華。塗香末  
香莊嚴供養佛已。繞佛七匝。頂禮佛  
足而作是言。我聞如來演說。讚持大

力陀羅尼。故來修學。若有受持讀誦  
是陀羅尼者。我常隨逐守護。不令持  
者墮於地獄。以彼隨順如來言教而護  
念之。爾時護世四天王。繞佛三  
匝。白佛言。世尊。唯願如來為我廣



說持陀羅尼法。爾時佛告四天王。汝  
今諦聽。我當為汝宣說受持此陀羅尼  
法。亦為短命諸眾生說。當先洗浴。  
著新淨衣。白月圓滿十五日時。持齋  
誦此陀羅尼。滿其千遍。令短命眾

生。還得增壽。永離病苦。一切業  
障。悉皆消滅。一切地獄諸苦。亦得  
解脫。諸飛鳥畜生含靈之類。聞此陀  
羅尼。一經於耳。盡此一身。更不復  
受。佛言。若人遇大惡病。聞此陀羅

尼。即得永離一切諸病。亦得消滅。  
應墮惡道。亦得除斷。即得往生寂靜  
世界。從此身已。後更不受胞胎之  
身。所生之處。蓮華化生。一切生  
處。憶持不忘。常識宿命。佛言。若

人先造一切極重惡業。遂即命終。乘  
斯惡業。應墮地獄。或墮畜生閻羅王  
界。或墮餓鬼。乃至墮大阿鼻地獄。  
或生水中。或生禽獸異類之身。取其  
亡者隨身分骨。以上一把。誦此陀羅

尼二十一遍。散亡者骨上。即得生  
天。佛言。若人能日日誦此陀羅尼  
十一遍。應消一切世間廣大供養。捨  
身往生極樂世界。若常念誦。得大涅槃。  
復增壽命。受勝快樂。捨此身

已。即得往生種種微妙諸佛刹土。常  
與諸佛俱會一處。一切如來恆為演說  
微妙之義。一切世尊即授其記。身光  
照耀。一切刹土。佛言。若誦此陀羅  
尼法。於其佛前。先取淨土作壇。隨

7 反

其大小方四角作。以種種草華散於壇  
上。燒眾名香。右膝著地胡跪合掌心  
常念佛。作慕陀羅尼印。屈其頭指  
以大姆指壓。合掌當其心上。誦此陀  
羅尼一百八遍訖。於其壇中。如雲王

雨華。能徧供養八十八俱胝殑伽沙那  
庾多百千諸佛。彼佛世尊咸共讚言。  
善哉希有。真是佛子。即得無障礙智  
三昧。得大菩提心莊嚴三昧。持此陀  
羅尼法。應如是。佛告天帝。我以此

方便。一切眾生應墮地獄道。令得解  
脫。一切惡道。亦得清淨。復令持  
者。增益壽命。天帝。汝去將我此陀  
羅尼。授與善住天子。滿其七日。汝  
與善住俱來見我。爾時天帝於世尊

所。受此陀羅尼法。奉持還於本天。  
授與善住天子。爾時善住天子。受此  
陀羅尼已。滿六日六夜。依法受持。  
一切願滿。應受一切惡道等苦。即得  
解脫。住菩提道。增壽無量。甚大歡

喜。高聲歎言。希有如來。希有妙  
法。希有明驗。甚為難得。令我解  
脫。爾時帝釋至第七日。與善住天  
子。將諸天眾。嚴持華鬘塗香末香寶  
幢幡蓋天衣瓔珞。微妙莊嚴。往詣佛

所。設大供養。以妙天衣。及諸瓔珞  
供養世尊。繞百千帀。於佛前立。踊  
躍歡喜。坐而聽法。爾時世尊舒金色  
臂。摩善住天子頂。而為說法。受菩  
提記。佛言。此經名淨除一切惡道。

佛頂尊勝陀羅尼經  
佛頂尊勝陀羅尼。汝當受持。爾時大  
眾聞佛所說皆大歡喜。信受奉行。

佛頂尊勝陀羅尼呪 (七遍)

那謨薄伽跋帝。帝隸路迦，鉢囉底  
毗失瑟咤哪，勃陀耶。薄伽跋底。怛  
姪他。唵。毗輸馱耶，娑摩三漫多皤  
娑娑。娑破囉拏揭底伽訶那。娑婆皤

輸秣地，阿鼻洗者，蘇揭多伐折那。  
阿嚩唎多毗曬雞。阿訶囉阿訶囉。阿  
瑜散陀羅尼。輸馱耶輸馱耶。伽伽那  
毗秣提。烏瑟尼沙毗逝耶秣提。娑  
娑囉，喝囉濕弭，珊珠地帝。薩婆怛

他揭多，地瑟咤那，頰地瑟恥帝，慕  
啞隸。跋折囉迦耶，僧訶多那秣提。  
薩婆伐羅拏毗秣提。鉢羅底你，伐怛  
耶，阿瑜秣提。薩末那阿地瑟恥帝。  
末禰末禰。怛闍多部多俱胝鉢唎秣

提。毗薩普吒勃地秣提。社耶社耶。  
毗社耶毗社耶。薩末囉薩末囉，勃陀  
頰地瑟恥多秣提。跋折梨跋折囉揭  
鞞。跋折濫婆伐都。麼麼薩婆薩埵，  
嚩迦耶毗秣提。薩婆揭底鉢唎秣提。

薩婆怛他揭多，三摩濕婆娑遏地瑟恥  
帝，勃陀勃陀，蒲陀耶蒲陀耶，三漫  
多鉢唎秣提。薩婆怛他揭多，地瑟咤  
那，頰地瑟恥帝。娑婆訶。

5 反

願消三障煩惱。願得智慧真明了。  
普願罪障悉消除。世世常行菩薩道。

往生淨土神咒 (七遍)

南無阿彌多婆夜。哆他伽多夜。哆地  
夜他。阿彌利。都婆毗。阿彌利哆。  
悉耽婆毗。阿彌利哆。毗迦蘭帝。阿  
彌唎哆。毗迦蘭多。伽彌膩。伽伽

那。枳多迦利。娑婆訶。

般若波羅蜜多心經 三遍

觀自在菩薩。行深般若波羅蜜多時。  
照見五蘊皆空。度一切苦厄。舍利  
子。色不異空。空不異色。色即是  
空。空即是色。受想行識。亦復如

是。舍利子。是諸法空相。不生不  
滅。不垢不淨。不增不減。是故空中  
無色。無受想行識。無眼耳鼻舌身  
意。無色聲香味觸法。無眼界。乃至

無意識界。無無明。亦無無明盡。乃  
至無老死。亦無老死盡。無苦集滅  
道。無智亦無得。以無所得故。菩提  
薩埵。依般若波羅蜜多故。心無罣  
礙。無罣礙故。無有恐怖。遠離顛倒

夢想。究竟涅槃。三世諸佛。依般若  
波羅蜜多故。得阿耨多羅三藐三菩  
提。故知般若波羅蜜多。是大神咒。  
是大明咒。是無上咒。是無等等咒。  
能除一切苦。真實不虛。故說般若波

羅蜜多咒。即說咒曰。揭諦揭諦。波  
羅揭諦。波羅僧揭諦。菩提薩婆訶  
摩訶般若波羅蜜多  
(三稱)

### 補闕真言

南無喝囉怛那哆囉夜耶。佉囉佉囉。  
俱住俱住。摩囉摩囉。虎囉吽。賀賀  
蘇怛拏。吽。潑抹拏。娑婆訶  
三遍

### 每日誦經或持咒、念佛號完，必需懺悔、發願、迴向

一、懺悔：往昔所造諸惡業，皆由無始貪、嗔、痴，從身、語、意之所生。

今對佛前求懺悔，一切罪障皆懺悔，一切罪根皆懺悔。

二、發願：願生生世世常行菩薩道，廣度眾生與三寶佛有緣，正信出家。（意謂：正念出家，不是一定要出家，如果要出家，

不管遭遇任何挫折，不把佛寺，當作感情或任何閑境的避風港。）

道業圓成，恆順眾生，常隨佛學。

三、迴向：1.願以此功德，莊嚴佛淨土，上報四重恩，下濟三途苦。

若有見聞者，悉發菩提心，盡此一報身，同生極樂國。

2.再請三寶佛、觀世音菩薩、十方諸佛菩薩、伽藍聖眾、護法尊天菩薩作主，把誦經或持咒念佛與迴向功德，再

妙轉法輪迴向十方世界。一切眾生，讓他們能早離苦得樂，速証菩提。

3.再請三寶佛、觀世音菩薩、十方諸佛菩薩、伽藍聖眾、護法尊天菩薩作主，把迴向十方世界，一切功德，妙轉法輪給弟子○○○，宿世現世一切冤親債主解冤釋結，歷代祖先、過往親人，從無始劫以來，有意無意食眾生肉，有意無意作夫妻，有意無意出口傷人，有意無意殺

害眾生，所結一切冤業，解冤釋結，讓他們離苦得樂，速証菩提。

4.再迴向弟子○○○，闔家平安、眷屬和諧、夫妻合好、子女仁孝、債務清償、家庭美滿。

5.再迴向弟子○○○，菩提善根、增長忍辱、精進圓成佛道。福慧雙修、善知識、常相隨。生生世世值遇諸佛，而不空過。



薩菩天尊馱韋法護無南



2  
反

